



რატომ არ მიანიჭეს საქართველოს ევროკავშირის კანდიდატის სტატუსი?

რატომ არ მიანიჭეს საქართველოს ევროკავშირის კანდიდატის ოფიციალური სტატუსი. ამის შესახებ პუბლიკაციას „ევრონიუსი“ ავრცელებს.

სტატიაში აღნიშნულია, რომ საქართველომ ოფიციალურად მიიღო „ევროპული პერსპექტივა, მაგრამ კანდიდატის სტატუსამდე მას ცოტა დააკლდა. უკრაინას და მოლდოვას ევროკავშირმა ოფიციალურად მიანიჭა ევროკავშირის კანდიდატი ქვეყნის სტატუსი.

ევროპული საბჭო მზად არის მიანიჭოს საქართველოს კანდიდატი ქვეყნის სტატუსი მას შემდეგ, რაც შესრულდება პრიორიტეტები, რომლებიც საქართველოსთან დაკავშირებით ევროკომისიის დასკვნაშია აღნიშნული.

„ევრონიუსის“ ინფორმაციით, საქართველო, რომლის მოსახლეობა 4 მილიონს აღწევს, დიდი ხანია ევროპულ პროცესებშია ჩართული და იდენტიფიცირებულია, როგორც



ევროპული ქვეყანა. ამასთანავე, საქართველო გეოგრაფიულად სამხრეთ კავკასიაში მდებარეობს, საზღვარი აქვს რუსეთთან, აზერბაიჯანთან, სომხეთთან და თურქეთთან, რაც მისი კონტინენტური კუთვნილების მიმართ გარკვეულ კითხვებს აჩენს.

ტელეკომპანია იუწყება, რომ საქართველომ, საპარლამენტო რესპუბ-

გურია **ა ღ ი რ ი** უძველესი გაზეთი უახლესი ინფორმაციებით!

გაზეთი გამოდის 1931 წლის 5 იანვრიდან. საზოგადოებრივ-პოლიტიკური გაზეთი. ყოველკვირეული გამოშვება. № 17 (10429) 27 0860სი 2022 წ. შპსი 80 თმთრი.

სამოქალაქო საზოგადოება ეროვნული თანხმობის მთავრობის შექმნას ითხოვს



24 ივნისს, ქ. თბილისში რუსთაველის გამზირზე „სირცხვილიას“ და სხვა სამოქალაქო ორგანიზაციების ორგანიზებით, აქცია „შინ ევროპისკენ“ გაიმართა.

შეკრებილებმა საქართველოსა და ევროკავშირის დროშები გაშალეს. გაჟღერდა საქართველოსა და ევროკავშირის ჰიმნები.

„სირცხვილიას“ წევრებმა საზოგადოებას სამოქმედო გეგმას გააცნენ..

აქციაზე რიგით მოქალაქეებთან ერთად სამოქალაქო საზოგადოების, ასევე სხვადასხვა ოპოზიციური პარტიის წარმომადგენლები იმე-

ოფებოდნენ. — როგორც 20 ივნისს, დღესაც უამრავი ადამიანია მოსული აქციაზე აქციის მონაწილეთა შორის ოზურგეთის პროგრესის სახლიდან მე და მინდია სალუქვაძე ვართ. მოთხოვნები უკვე გაჟღერდა. — გვითხრა ოზურგეთის პროგრესის სახლის დამფუძნებელმა ლევან მუჟაყანამ.

სამოქალაქო საზოგადოების წარმომადგენლები პრემიერ მინისტრის გადადგომას და ეროვნული თანხმობის მთავრობის შექმნას ითხოვენ, რისთვისაც მთავრობას 1-კვირიან ვადას აძლევენ.

„საქართველოს მთავრობა მობილიზებულია, რომ დროულად შეასრულოთ ყველა პირობა, რომელიც იქნა განსაზღვრული ევროკავშირის მიერ“

24 ივნისს, საქართველოს პრემიერ-მინისტრმა ირაკლი ღარიბაშვილმა მთავრობის ადმინისტრაციაში გამართულ ბრიფინგზე საქართველოსთვის ევროპული პერსპექტივის მინიჭების გადაწყვეტილება შეაფასა. მთავრობის მეთაურმა აღნიშნა, რომ საქართველოს ევროპული პერსპექტივა დამსახურებულად მიენიჭა.

„მოგესალმებით, პირველ რიგში, მინდა მადლობა გადაგიხადოთ მობრძანებისთვის. მინდა შეგაფასო ევროპული საბჭოს გადაწყვეტილება და ევროკავშირის წევრი სახელმწიფოების გადაწყვეტილება, რომელიც გუშინ იქნა მიღებული. როგორც თავად ჩვენს ევროპულმა ლიდერებმა აღნიშნეს და პარტნიორებმა, ჩვენმა მეგობრებმა, გუშინ იყო მართლაც ისტორიული დღე. საქართველომ, ჩვენმა ქვეყანამ, მიიღო ის, რაც დაემსახურეთ და ეს არის დამსახურებული მიღწევა. ევროპული პერსპექტივა მიენიჭა საქართველოს, ჩვენს ქვეყანას დამსახურებულად. რა თქმა უნდა, თქვენ ნახეთ, რომ ჩაიწერა პირდაპირ, ღიად, საჯაროდ, რომ რეალურად ევროპამ კარი გაუხსნა ჩვენს ქვეყანას. ეს არის აღიარება ჩვენი ხალხის ევროპული იდეალებსადმი მისწრაფების, მათი ერთგულების, ჩვენი შეუპოვრობის, პრინციპულობის, ბრძოლის და ჩვენი მთავრობის 10-წლიანი მუშაობის შედეგის აღიარება. ჩვენ მოვისმინეთ მათი შეფასება, რომ ევროპული პერსპექტივის მინიჭებით, რეალურად, ჩვენს ქვეყანას სამუდამოდ გაუხსნეს კარი

ევროპაში და პირდაპირ იქნა ჩაწერილი, რომ ქვეყანას მიენიჭა ევროპული პერსპექტივა იმისთვის, რომ განდეს ევროკავშირის წევრი სახელმწიფო. ეს ნამდვილად არის დამსახურებული მონაპოვარი და მე ვულოცავ ქართველ ხალხს.

რაც შეეხება კანდიდატის სტატუსს, ჩვენ გუშინ ასევე მოვისმინეთ ევროპული ლიდერების შეფასებები, მათი დაპირება, მათი განაცხადი, რომ, როგორც კი ჩვენ შევასრულებთ მთ მთავრად განსაზღვრულ პრიორიტეტებს, მაშინვე მიენიჭება საქართველოს კანდიდატის სტატუსი. ეს ჩვენ გვაძლევს დამატებით მოტივაციას, რომ რაც შეიძლება მოკლე დროში შევასრულოთ ყველა ის პირობა, ყველა ის პრიორიტეტი, რომლებიც იქნა განსაზღვრული ევროკავშირის მიერ. ჩვენ ამისთვის ვართ მზად. მინდა განვაცხადო, რომ ჩვენი მთავრობა არის მობილიზებული, რომ დროულად შევასრულოთ ყველა პირობა, რომელიც იქნა განსაზღვრული ევროკავშირის მიერ იმისთვის, რომ რაც შეიძლება დროულად მივიღოთ კანდიდატის სტატუსი. ასევე მინდა მივულოცო კიდევ ერთხელ უკრაინას და მოლდოვას. მათ მიიღეს ევროპული პერსპექტივა და მიიღეს სტატუსი, როგორც წამახალისებელი საწყურარი. მე ვულოცავ მათ ამ აღიარებას. მინდა ვუსურვო უკრაინას და მოლდოვას წარმატება, მათ ხალხს ვუსურვო კეთილდღეობა, მშვიდობა. უკრაინა, მოგესსენებთ, რომ არის უმძიმეს ომში და მოლდოვაც ასევე ძალიან მძიმე



მდგომარეობაშია. ასე რომ, ჩვენ არ გეშურს მათი წახალისების, პირიქით, მინდა, რომ კიდევ ერთხელ მივულოცო და ვუსურვო წარმატება... მოგესსენებთ კარგად, რომ ჩამოთვლილ პირობებში არის ერთი, ასე ვთქვათ, პირდაპირი მითითება, მუხლი, დავარქვათ ამას, პირობა, რომ ჩვენმა საზოგადოებამ, ჩვენმა პოლიტიკურმა ძალებმა უნდა მოვაზრუნოთ პოლარიზების დასრულება. მე მინდა კიდევ ერთხელ ჩვენი გუნდის სახელით განვაცხადო სრული მზაობა იმისა, რომ ჩვენ ყოველთვის მზად ვართ კონსტრუქციული დიალოგისთვის, ჩვენ კარი არასოდეს დავკეტავთ. მინდა საზგასმით და ძალიან მკაფიოდ ვთქვა, რომ ჩვენ გვაქვს მზაობა, ყოველთვის გვკონდა და გვექნება მუდამ, რომ ისეთ საკითხებზე, რომლებიც ეხება ჩვენი ქვეყნის მომავალს, ჩვენს ეროვნულ ინტერესებს, ვიმუშაოთ ერთად,

გვეკონდეს რეალური დებატები, დისკუსია, მსჯელობა და ეს, რა თქმა უნდა, უნდა ხდებოდეს ნორმალურ, მშვიდ, კონსტრუქციულ, ჯანსაღ ვითარებაში. იმედი მაქვს, რომ ამ პასუხისმგებლობას ჩვენი ოპონენტებიც გაითვალისწინებენ, გაიზარებენ, იმიტომ, რომ ერთ-ერთი მთავარი პირველი მუხლია, პირველი პირობა, რაც ეხება პოლარიზების დასრულებას, მათი ვალდებულებაც არის, მათი პასუხისმგებლობაც არის და ამას მარტო მმართველი გუნდი, მმართველი პარტია და მთავრობა ვერ განახორციელებს, თუ მათი მხრიდანაც არ იქნება გადადგმული რეალური, ქმედითი ნაბიჯები. მინდა, ჩვენს ხალხს ვუსურვო მშვიდობა, ჩვენი ქვეყნის გაერთიანება და ჩვენი ევროპული მომავალი, საქართველოს მომავალი არის ევროკავშირში,“ — განაცხადა ირაკლი ღარიბაშვილმა.

გაზეთი „ალიონი“ სარეკლამო მომსახურების ტარიფები

- მე-2 მთლიანი გვერდის (648 კვ.სმ) ღირებულება 120 ლარია;
 - მე-3-7 (თითოეული 810 კვ.სმ) მთლიანი გვერდებისა - 150-150 ლარი;
 - 1-ლი, ფერადი გვერდი მთლიანად (810 კვ. სმ) არ იყიდება, ნახევარი გვერდის (405 კვ. მ) ღირებულება 300 ლარია;
 - ბოლო, მე-8, ფერადი გვერდი მთლიანად 300 ლარი ღირს;
 - შიდა შავთუთი გვერდებზე ფერადი ბეჭდვის შემთხვევაში გვერდის საფასური 50 ლარით იზრდება.
 - პოლიტიკური რეკლამის ღირებულება ორმაგია;
 - მილოცვა ფერად გვერდზე 32,40 კვ. მ-ზე, სურათით - 25 ლარი;
 - სამგლოვიარო განცხადება - სიტყვა 25 თეთრი, პლუს სურათი (5X6 სმ) - 2 ლარი;
 - გახსენება, ნეკროლოგი - სიტყვა 20 თეთრი, პლუს სურათი (5X6 სმ) - 2 ლარი;
- საჯალო ფასი: 60 თეთრი, ხელმოწერა:**
ერთი თვით - 2,40 ლარი,
სამი თვით - 7,20 ლარი,
6 თვით -14,40 ლარი,
ერთი წლით - 29,60 ლარი.

გაზეთში გამოქვეყნებული მასალების შინაარსი შეიძლება არ ემთხვეოდეს რედაქციის თვალსაზრისს. ავტორები თვითონ არიან პასუხისმგებელი ინფორმაციის სიზუსტეზე. რედაქციაში აუდიონანაწერები ინახება ორი კვირის განმავლობაში, ამ ვადის გასვლის შემდეგ პრეტენზიები აღარ მიიღება. რედაქცია ავტორებისგან არ მიიღებს სამ ხელნაწერ გვერდზე მეტ მასალას. გამოქვეყნებული მასალების გადაბეჭდვა აკრძალულია რედაქციიდან ნებართვის გაცემის გარეშე.

სარეკლამო კომპანია
რედაქტორი
ნუგზარ ასათიანი
nugzarasatiani15@gmail.com
558 499100
კომპიუტერული უზრუნველყოფა
გიორგი გოგოლაძე
gia_77@mail.ru
551 576060
რედაქციის მისამართი: ქ. ოზურგეთი, გაბრიელ ეპისკოპოსის ქ.№3
ტელ: 558 499 100 გაზეთი რეგისტრირებულია ოზურგეთის რაიონულ სასამართლოში 18. 11. 2004 №44/4-311
გაზეთი იბეჭდება გამოცემლობა „მერიდიანში“
მის: თბილისი, ვ. ბაგრატიონის ქ. №77

დაიწყეთ ყოველი
ოქმბათი აციონზე
«ალიონი»

რატომ არ მიანიჭეს საქართველოს ევროკავშირის კანდიდატის სტატუსი?

ლიკამ საბჭოთა წარსულის დაძლევის საკითხში დიდ წარმატებას მიაღწია და მასში მუდმივად ტარდება არჩევნები. მაგრამ საარჩევნო სისტემა ბოლომდე გამართული არ არის, არის ბრალდებები ხმების გაყალბების, დაშინების, ამომრჩეველთა მოწყიდვის, ნეპოტიზმის და პოლიტიკის მხრიდან ზეწოლის მხრივ. ორგანიზაცია **Freedom House**-ის ინფორმაციით, ოლიგარქებს საქართველოს პოლიტიკურ ცხოვრებაზე და მედიაგარემოზე ზედმეტ გავლენაში ადანაშაულებენ, ხოლო სამოქალაქო თავისუფლება თანმიმდევრულად დაცული არ არის. 2020 წლის ოქტომბერში საქართველოში პოლიტიკური კრიზისი მოხდა, როდესაც ოპოზიციურმა პარტიებმა განაცხადეს, რომ საპარლამენტო არჩევნები ფალსიფიცირებული იყო და მათ დამარცხების აღიარებაზე უარი განაცხადეს, რასაც პოლარიზაცია და აქტივისტების დაკავება მოჰყვა. ოპოზიციამ პარლამენტში შესვლაზე უარი განაცხადა და „ქართულმა ოცნებამ“ მთავრობა ოპოზიციის მონაწილეობის გარეშე დააკომპლექტა. შემდეგ გაჭიანურებულ პოლი-

ტიკურ კრიზისში ევროპული საბჭოს პრეზიდენტი შარლ მიშელი ჩართო, რათა შედგარიყო შეთანხმება პოლიტიკურ ძალებს შორის და პროცესების საკანონმდებლო სივრცეში დაბრუნებულიყო. შეთანხმების მიხედვით, დაგეგმილი იყო საარჩევნო და სასამართლო სისტემების რეფორმირება. სწორედ ეს გაჭიანურებული არასტაბილურობა გახდა ევროკომისიის დასკვნის ერთ-ერთი მიზეზი, რომელმაც საქართველოს ევროკავშირის კანდიდატის სტატუსი არ მიანიჭა. კომისიამ მთელი რიგი მოთხოვნები გამოაქვეყნა, რომელთა შესრულება მოუწევს საქართველოს. მათ შორისაა პოლიტიკური პოლარიზაციის გადაჭრა, ყველა სახელმწიფო ინსტიტუტის გამართული ფუნქციონირების უზრუნველყოფა და დეოლიგარქიზაციის აუცილებლობა. საქართველოსთვის შეთავაზებული რეფორმების სია ბევრად დიდია, ვიდრე ის, რაც ევროკავშირმა უკრაინას და მოლდოვას წარუდგინა. ევროკომისიის ამ დასკვნის შემდეგ რამდენიმე დღეში საქართველოს დელეგაციის ქუჩებში 60 000 მომიტინგე გამოვიდა, რომლებმაც ევროკავშირისგან კანდიდატის

სტატუსი მოითხოვეს. თუმცა, როგორც აღმოჩნდა, ეს დემონსტრაცია გადაწყვეტილებისთვის საკმარისი არ აღმოჩნდა. „საქართველო ერთი ნაბიჯით ჩამორჩება“, - განაცხადა ნიდერლანდების პრემიერ-მინისტრმა მარკ რიუტემ. გარკვეული წარუმატებლობის მიუხედავად, საქართველოს პრეზიდენტმა სალომე ზურაბიშვილმა ევროპული საბჭოს გადაწყვეტილება დადებითად შეაფასა და განაცხადა, რომ „საქართველოს ევროპული პერსპექტივის აღიარება დიდი ისტორიული ნაბიჯია“. „ახლა, მომდევნო თვეების განმავლობაში, ჩვენ ვიმუშავებთ რათა კანდიდატის სტატუსი მივიღოთ“, - განაცხადა ზურაბიშვილმა. მან ევროპულ ლიდერებს ამ გადაწყვეტილებისთვის მადლობა გადაუხადა. სამიტის დასრულების შემდეგ ევროპული საბჭოს პრეზიდენტმა შარლ მიშელმა განაცხადა, რომ საქართველოს შეუძლია წინ წავიდეს რეფორმების განხორციელების მხრივ და რომ ის საბოლოოდ ევროკავშირის კანდიდატის სტატუსს მიიღებს. „ძალზე მჭიდროდ ვთანამშრომლობთ საქართველოს უწყებ-


თან ამ საკითხებზე“, - განაცხადა მიშელმა. საქართველოს ევროპული ინტეგრაციის შესახებ ევროკომისიის პრეზიდენტმა ურსულა ფონ დერ ლაიენმა და საფრანგეთის პრეზიდენტმა ემანუელ მაკრონმა ისაუბრეს. მაკრონმა აღნიშნა, რომ ევროპელმა ლიდერებმა დაინახეს „ქუჩაში გამოსული ხალხის ნება“. იგეგმება, რომ 2022 წლის ბოლომდე ევროკომისია ევროპულ საბჭოს ინფორმაციის მიწოდის იმ ღონისძიებების შესახებ, რაც საქართველოს მთავრობამ განახორციელა. ამის შემდეგ ევროპული საბჭო საქართველოსთვის ევროკავშირის წევრობის კანდიდატის საკითხს ხელახლა დაუბრუნდება. ცნობისთვის, ევროპულმა საბჭომ უკრაინას და მოლდოვას კანდიდატის სტატუსი მიანიჭა, საქართველოს კი - ევროპული პერსპექტივა. „ევროკავშირის საბჭომ გადაწყვიტა აღიაროს საქართველოს ევროპული პერსპექტივა და მზადაა, კანდიდატის სტატუსი მიანიჭოს, როგორც კი დასასრული პრიორიტეტები შესრულდება“, - განაცხადა ევროპული საბჭოს პრეზიდენტმა.

სამხარეო ადმინისტრაციაში არასამთავრობო ორგანიზაციასთან „ქალები მშვიდობისა და სიცოცხლისთვის“ შეხვედრა გაიმართა



გურიაში სახელმწიფო რწმუნებულის **გიორგი ურუშაძე** მოადგილეებთან ერთად არასამთავრობო ორგანიზაცია „ქალები მშვიდობისა და სიცოცხლისთვის“ წარმომადგენლებს შეხვდა. შეხვედრაზე, მხარის რწმუნებულს, ორგანიზაციის წარმომადგენლებმა საკუთარი საქმიანობის შესახებ ინფორმაცია მიაწოდეს და იმ პროექტებზე ისაუბრეს, რომლებსაც საგანმანათლებლო, ჯანდაცვის, სოციალური და ჰუმანიტარული დახმარების მიმართულებით ახორციელებენ. „არასამთავრობო სექტორთან მჭიდრო თანამშრომლობა ჩვენთვის პრიორიტეტულია. მნიშვნელოვანია, რომ ორივე მხარემ შევძლოთ, ჩვენი რესურსების მაქსიმალური მობილავება, რათა ბევრი წარმატებული და რაც მთავარია შედეგზე ორიენტირებული პროექტი განხორციელდეს გურიაში.“ - განაცხადა **გიორგი ურუშაძემ**.

ლანჩხუთის მუნიციპალიტეტში ქალაქის 8 ქუჩაზე ასფალტის საფარი იგება



ამ დროისთვის სამუშაოები ქ. ლანჩხუთში, წმინდა ნინოს ქუჩაზე მიმდინარეობს. პროექტის ღირებულება 3 000 000 ლარია. სამუშაოებს კომპანია „პალადა“ ასრულებს. წმინდა ნინოს ქუჩაზე მიმდინარე სამუშაოები ლანჩხუთის მერმა **ალექსანდრე სარიშვილმა** დაათვალიერა.

პირველი ჯანდაცვის რეფორმა, რომელიც სოფლის მექანიკის მდგომარეობას გააუმჯობესებს

2022 წელს დაიწყო პირველი ჯანდაცვის რეფორმა, რომლის ფარგლებში დაგეგმილია ოჯახის ექიმებისა და ექთნების შრომითი ანაზღაურების ეტაპობრივი გაზრდა, ქრონიკული დაავადებების მართვის გაუმჯობესებისთვის დიფერენცირებულ-გაზრდილი კაპიტაციური დაფინანსების ამოქმედება, ტელემედიცინის შესაძლებლობების ფართოდ გამოყენება და ხარისხიანი მომსახურების გაწევისათვის შესაბამისი დაფინანსების მექანიზმების მოდიფიცირება. წელს, პირველადი ჯანდაცვის რეფორმის ფარგლებში, სოფლის ექიმის პროგრამის მართვა გადავიდა სახელმწიფო სამედიცინო პოლიტიკის პასუხისმგებლობაში. სოფლებში დასაქმებული ოჯახის ექიმები და ექთნები აღარ

ოპერირებენ როგორც ინდივიდუალური მეწარმეები, არამედ ისინი გახდნენ შრომითი ხელშეკრულებით დასაქმებული პირები. ამავდროულად, გაიზარდა სოფლის ექიმების შრომის ანაზღაურება. 200-მდე სოფლის ამბულატორიას გადაეცა განახლებული სამედიცინო აღჭურვილობა და ტელემედიცინის 50 სისტემა, რითაც მოსახლეობისთვის გაჩნდა შესაძლებლობა, საკუთარ საცხოვრებელ ტერიტორიასთან ახლოს მიიღოს გაუმჯობესებული სამედიცინო სერვისები. მიმდინარე წლის ბოლომდე, ევროკავშირის დაფინანსებით, დაგეგმილია სოფლებისთვის დამატებით 200 ამბულატორიის აღჭურვა და ტელემედიცინის 50 სისტემის გადაცემა.

პირველი ჯანდაცვის რეფორმის ფარგლებში:

- გაიზარდა ოჯახის ექიმებისა და ექთნების შრომითი ანაზღაურება
- ამოქმედდა ქრონიკული დაავადებების მართვის დიფერენცირებულ-გაზრდილი კაპიტაციური დაფინანსება
- სოფლის ექიმის პროგრამის მართვა გადავიდა სახელმწიფო სამედიცინო პოლიტიკის პასუხისმგებლობაში

ლევან უჯმაჯურიძე: ჩვენი მთავარი მესიჯი ჯიშური მრავალფეროვნებაა



18 ივნისს, ჩოხატაურის მუნიციპალიტეტის სოფელ გორაბერეჟოულში გურული ღვინოების პირველი ფესტივალი გაიმართა, რომელშიც არაერთი მარანი მონაწილეობდა რეგიონის სამივე მუნიციპალიტეტიდან. მონაწილეობა შორის იყვნენ კომპანია კახური ტრადიციული მეღვინეობა და სოფლის მეურნეობის სამინისტროს ჯილაურას საკოლექციო მეურნეობა, რომელთაც გურული ადგილობრივი ღვინოს ღვინოები ჰქონდა წარმოდგენილი.

ფესტივალის სტუმართა შორის იყო სოფლის მეურნეობის სამეცნიერო-კვლევითი ცენტრის დირექტორი, სამეცნიერო საბჭოს თავმჯდომარე, საქართველოს აგრარული, კავკასიის და ტექნიკური უნივერსიტეტის პროფესორი **ლევან უჯმაჯურიძე**, რომლის სამეცნიერო ინტერესების სფეროს საქართველოში აგრობიომრავალფეროვნების შენარჩუნება, გადაშენების პირადი მცენარეთა და ცხოველთა ჯიშების მოძიება-აღორძინება, ქართული ვაზის გენოფონდის შესწავლა და დაცვა წარმოადგენს.

გთავაზობთ ბატონ ლევან უჯმაჯურიძესთან საუბრის ჩანაწერს:
— ისტორიულად გურიაში, სოფელ ხევში იროდი უჯმაჯურიძის მიერ გაშენდა პირველად კულტურული ჯიშების ნამყენი ვენახი. სოფელი ხევი თავისი ნიადაგური, კლიმატური პირობებით სავსებით მისაღებია გურული ადგილობრივი ჯიშების მოვლა-მოყვან-ისათვის. აქ, დღეს გამოფენაზე წარმოდგენილია ღვინოები სოფელ ხევიდან, ტარბელ უჯმაჯურიძის საოჯახო მარნიდან. ტარბელ უჯმაჯურიძეს გაშენებული

აქვს რამდენიმე ადგილობრივი ჯიში, როგორცაა თეთრფურძინიანი „საკმიელა“, „ასევე — „ჩხავერი“, „ჯანი“, „სხილათუბანი“. მოსავალი არის 2020-2021 წლის. წარმოდგენილი ღვინოები ხასიათდება რეგიონისთვის დამახასიათებელი ჯიშური არმატებით, თავისი პარამონიულობით და იკითხება, როგორც ადგილობრივი წარმოშობის ჯიშები და ადგილწარმოშობის ღვინო.

— როგორია ამ მარნის წარმოდგენა...

— ეს არის მხოლოდ მოყვარულის დონეზე და მხოლოდ და მხოლოდ კეთილი ადამიანებისთვის. მომავალში იქნება მხოლოდ ადგილობრივი წარმოება და პოპულარიზაცია.

— აქ ჯილაურას საკოლექციო მეურნეობის ღვინოებს ვხედავთ...

— სოფლის მეურნეობის სამინისტროს ჯილაურას საკოლექციო მეურნეობიდან წამოღებულია გურული ვაზის ჯიშების ღვინოები. ბევრი ღვინოა წარმოდგენილი, როგორც თეთრფურძინიანი, ისე წითელფურძინიანი ვაზის ჯიშები.

ჩვენი ძირითადი საქმიანობა არის ქართული ვაზის ჯიშების მოძიება, როგორც გურული ვაზის ჯიშების, ისე საქართველოს ყველა რეგიონიდან, რომლებიც დამაგრდება საკოლექციო ნარგავაში, შემდეგ ხდება მათი შესწავლა ამპელოგრაფიული მახასიათებლების მიხედვით და შეფასდება მათი პოტენციური შესაძლებლობები.

ბუნებრივია, გურიაში არსებულ ყველა ჯიშში ორთავე მახასიათებელი სრულად ვერ აისახება. ხშირად ტარდება დეკუსტაციები, ცნობადობის ამაღლების მიზნით ტარდება სხვადასხვა ღონისძიებები. მე ხშირად

ჩამოვდივარ გურიაში და მევენეეობის სხვადასხვა საკითხებზე, ჯიშური მრავალფეროვნებთან დაკავშირებით, ვატარებ ტრენინგებს.

ჩვენ პატივს ვცემთ სხვა ჯიშებსაც, რომლებიც დომინირებენ გურიაში („ცოლიკაური“ და სხვ.) გურიაში არის ის პოტენციალი, რომ თითოეული მუნიციპალიტეტის სოფლებში გაშენდეს ის ჯიშები, რომლებიც ჩვენ გვქონდა და ასეთი 59 ჯიშია.

— აქ წარმოდგენილ ღვინოებში ბევრი „ახალი“ სახელია...

— თქვენ ყურადღება „ბახვაზე“ გადაიტანეთ. საინტერესო ღვინოა. „საკმიელადან“ დაწყებული აქ წარმოდგენილია „მური“—თეთრი, „ჭუმუტა“, „ხუშია“, „ჯანი“, „სხილათუბანი“, „ოცხანური საფურე“ (წარმოშობა გურის სოფელ ოცხანიდანაა)...და ა.შ.

— აქ ოზურგეთის მუნიციპალიტეტის სოფელ ჭანიეთიდან სოსო ხინთიბიძეს სხვა ღვინოებთან ერთად „ტაკიძურა“ და „კლარჯული“ აქვს წარმოდგენილი. „კლარჯული“ ასევე წარმოდგენილი აქვს გურამ ტყეშელაძის მარანს...

— წითელი „ტაკიძურა“, და თეთრი „კლარჯული“ ქვემო გურიაში იყო გავრცელებული. საინტერესო ღვინოებია.

— ხომ არ გემათ გურიაში სანერგე მეურნეობის მოწყობას?

— ჩვენი ერთ-ერთი მიზანი ამ ადგილობრივი ჯიშების საბაზისო სანერგე მასალის წარმოებაა, რომ მომავალში რეგიონში შეიქმნას სანერგე მეურნეობა და შემდეგ სერთიფიცირებული ნერგებით მოვაპარაგოთ ფერმერები...

ჩვენ, ჯილაურაში გამოვიყვეს საბაზისო ნერგები, რომლითაც გურიაში გაშენდება საბაზისო სადედეები, საიდანაც იწარმოება ერთგვაროვანი სერთიფიცირებული ნერგები...

— გურული ვაზის ჯიშების მოძიება-პოპულარიზაციაში თავისი წვლილი შეიტანა შემოქმედელმა ანდრო ვაშლიძემ, ხოლო ფერმერებისთვის ნერგების მიწოდებაში კახური ტრადიციული მეღვინეობის დამფუძნებელმა, ასკანელმა ზურაბ ჩხაიძემ...

— ჩვენ ვაწარმოებდით უძველესი ვაზის ჯიშების მოძიებას მთელი საქართველოს მასშტაბით, რომელიც მიმდინარეობდა ამორტიზირებულ საკოლექციო ნარგავებში, რომლებიც ფაქტურად გაჩანაგებული იყო. აბორიგენ ჯიშებს ვეძებდით გურიაშიც, რაშიც უდიდესი წვლილი შეიტანა

ბატონმა ანდრო ვაშლიძემ. იგი წლების განმავლობაში, ამ ცენტრის დაარსებიდან, ჩვენთან თანამშრომლობს.

ანდრო ვაშლიძემ ჩვენთან ერთად და დამოუკიდებლადც არაერთი ექსპედიცია ჩაატარა გურიის სოფლებში და არაერთი ჯიში მოიძია, რომლის ნიმუშებს აგზავნის სამეცნიერო-კვლევით ცენტრში, სადაც ხდება მათი იდენტიფიცირება, დადგენა, თუ რომელი ჯიშია და შემდეგ დამაგრება საკოლექციო ნარგავაში. რამდენიმე საკოლექციო ნიმუში დამაგრებულია ჯილაურას საკოლექციო მეურნეობაში და ეს თანამშრომლობა მომავალშიც გაგრძელდება.

თავდაპირველად „ქართუ ვაჭურის“ მიერ დაარსებული ჯილაურას სა-

მარნებია წარმოდგენილი ამ ფესტივალზე. გურული ვაზის ჯიშები აქვთ გაშენებული ამ მარნებს და უკვე კომერციული მიზნებისთვის აწარმოებენ ღვინოებს. სწორედ ეს არის ქართული ღვინოების ხვალისდელი დღე ჯიშური მრავალფეროვნებით და ხარისხობრივი მახასიათებლების რაოდენობის თვალსაზრისით. ჩვენ, გურულები საქართველოში ღვინოს წარმოებაში ვერ ვიქნებით პირველები — ჩვენი მთავარი მესიჯი უნდა იყოს ჯიშური მრავალფეროვნება.

დღეს საქართველოში არსებული 525 ჯიშიდან 450-მდეა ადგილობრივი და ეს პროცენტი მომავალშიც გაგრძელდება.

— გურული ვაზის ჯიშები რეგინის



კოლექციო ნაკვეთიდან უფასოდ ვაწვდიდით ნერგებს მოსახლეობას, ხოლო შემდეგ, როცა გადავდით სახელმწიფო სტრუქტურაში, სახელმწიფო განკარგავდა ამ ნერგებს. ბატონმა ზურაბ ჩხაიძემ ჯილაურაში შეიძინა ნერგების საკმაოდ დიდი რაოდენობა და უფასოდ დაურიგა იგი ადგილობრივ ფერმერებს გურიაში და აჭარაში (ქედის მუნიციპალიტეტი), რათა მომხდარიყო ამ ჯიშების დამაგრება მუდმივად ადგილზე, პოპულარიზაცია და ცნობიერების ამაღლება.

— ვენახების ფართობები მატულობს, ახალი მარნებიცაა წარმოდგენილი ფესტივალზე...

— გეთანხმებით, ვენახების ფართობები მატულობს. სწორედ ხიბლი იმაშია, რომ ჩვენ, როცა გურულები წარმოდგენილი ვიყავით მონაწილეობით (ვსაუბრობ „ცოლიკაურზე“), ახლა ნახავთ თქვენ, რომ ძალიან ბევრი

სხვადასხვა ზონაში სხვადასხვანაირად ხარობს...

— გურიაში 60-მდე ენდემური ჯიში იყო დაფიქსირებული. ეს იმას ნიშნავს, რომ ეს ჯიშები გურიის სხვადასხვა სოფლებში იყო გაშენებული და ესაა მრავალფეროვნების ნიშანი, რომ თითოეული ჯიში ყველა სოფელში მოგვეცემს გარკვეულ მოსავალს, მთავარია მრავალფეროვნება და ბიოლოგიური მახასიათებლები იყოს გამოხატული.

ის, რომ ღვინო არის ნატურალური და ორგანული, მთავარია ჯიშური მრავალფეროვნება, რომელიც უნდა იკითხებოდეს ჭიქაში და მეღვინის ხელოვნება გახლავთ შეულამაზებლად გადაიტანოს ეს გემური თვისებები ჯერ სხვა ჭურჭელში, შემდეგ ჭიქაში.

ესაუბრა **ნუზუარ ასათიანი.**

შეხვედრა ადგილობრივი მედიისა და სამოქალაქო საზოგადოების წარმომადგენლებთან



საგარეო საქმეთა სამინისტროს ნატოსა და ევროკავშირის შესახებ საინფორმაციო ცენტრის ორგანიზებით, დემოკრატიული ჩართულობის ქსელის ოზურგეთის ოფისში ადგილობრივი მედიისა და სამოქალაქო საზოგადოების წარმომადგენლებთან შეხვედრა გაიმართა. მონაწილეებს საინფორმაციო ცენტრის გურიის რეგიონული ბიუროს წარმომადგენელი **ირაკლი პაპავა** მიესალმა და ცენტრის საქმიანობა და მიმდინარე პროექტები გააცნო.

პიბრიდული ომების მკვლევარმა **დავით ძიძიშვილმა** მონაწილეებს პიბრიდული ომის თანამედროვე ტენდენციებზე, ევროატლანტიკური ინტეგრაციის

გზაზე არსებულ დეზინფორმაციულ ნარატივებზე, მისგან მომდინარე საფრთხეებსა და პროპაგანდის წინააღმდეგ ბრძოლის კონტექსტში მიმდინარე ინფორმაციის როლზე მიაწვლია ინფორმაცია.

შეხვედრას მოდერატორი საინფორმაციო ცენტრის გურიის რეგიონული ბიუროს წარმომადგენელმა ირაკლი პაპავამ გაუწია. მისი დასრულებისას მონაწილეებს დაურიგდათ საინფორმაციო ცენტრის მიერ გამოცემული თემატური ლიტერატურა და საინფორმაციო მასალები.

შეხვედრა ამერიკის შეერთებული შტატების სახელმწიფო დეპარტამენტის მიერ დაფინანსებული პროექტის „დასავლური ინტეგრაციის შესახებ ინფორმირებულობისა და ჩართულობის გაზრდა საქართველოს რეგიონებში“ ფარგლებში გაიმართა, რომელსაც საინფორმაციო ცენტრი ნატოსა და ევროკავშირის შესახებ, საქართველოში აშშ-ს საელჩოსთან ერთად ახორციელებს.

კლიმატის ცვლილებების საბჭოს გაფართოებული სხდომა გაიმართა

სასტუმრო „უინდემ გრანდ თბილისში“ მერების შეთანხმების ხელმოწერილი მუნიციპალიტეტებისათვის კლიმატის ცვლილების საბჭოს გაფართოებული სხდომა გაიმართა, რომელშიც მონაწილეობა გურიის გუბერნატორმა გიორგი ურუშაძემ და ადგილობრივი თვითმმართველობის წარმომადგენლებმა მიიღეს.



შეხვედრაზე განიხილეს მუნიციპალიტეტების მდგრადი ენერჯეტიკისა და კლიმატის სამოქმედო გეგმების (SECAP) სამუშაო ვერსიების ძირითადი საკითხები; მოხდა მუნიციპალიტეტების მხრიდან მიღებული გამოცდილების გაზიარება და აირჩიეს საკოორდინაციო ჯგუფის თავმჯდომარე. ასევე, გაიმართა პრეზენტაცია მუნიციპალურ დონეზე კლიმატის პოლიტიკისა და მდგრადი ენერჯეტიკის ინსტიტუციური გაძლიერების შესახებ.

ლი გამჭვირვალობის ჩარჩო“ (CBIT ITF) ტექნიკური მხარდაჭერით ჩატარდა. პროექტი ინიცირებულია საქართველოს გარემოს დაცვისა და სოფლის მეურნეობის სამინისტროს (MEPA) მიერ და მისი აღმასრულებელია კავკასიის რეგიონული გარემოსდაცვითი ცენტრი (REC Caucasus). პროექტის დაფინანსებას უზრუნველყოფს გლობალური გარემოსდაცვითი ფონდი (GEF), ხოლო განხორციელებას გაეროს გარემოსდაცვითი პროგრამა (UNEP).

შეხვედრა, პროექტის „ინტეგრირებული

მთისპირში „ბახვი 2 ჰიდროელექტროსადგურის“ მშენებლობისა და ექსპლუატაციის პირობების ცვლილების სპეციფიკაციის ანგარიშის საჯარო განხილვა ჩატარდა



მდინარე ბახვისწყალზე, ბუნებრივ ჩამონადენზე მოშუშვე დაგეგმილი „ბახვი 2 ჰიდროელექტროსადგურის“ მშენებლობისა და ექსპლუატაციის პირობების ცვლილების სპეციფიკაციის ანგარიშის საჯარო განხილვა, 2022 წლის 22 ივნისს ოზურგეთის მუნიციპალიტეტის სოფელ მთისპირის ადმინისტრაციული ერთეულის შენობაში ჩატარდა.

საჯარო განხილვის ორგანიზატორი სსიპ გარემოს ეროვნული სააგენტოა. „ბახვი 2 ჰიდროელექტროსადგურის“ მშენებლობისა და ექსპლუატაციის პირობების ცვლილების სპეციფიკაციის ანგარიშში საჯარო განხილვაზე სააგენტოს წარმომადგენელმა წარადგინა, რის შემდეგაც სიტყვით განმარტებულა კომპანიის შპს „ბახვი 2“-ის დირექტორი, მიხეილ ნიბლაძე გამოვიდა. „ბახვი 2 ჰიდროელექტროსადგურის“ პროექტის ტექნიკური, გარემოსდაცვითი და სოციალური საკითხების შესახებ დეტალური პრეზენტაციები ბახვი 2-ის გუნდის წევრებმა გააკეთეს.

ოზურგეთის მუნიციპალიტეტის სოფელ მთისპირში საჯარო განხილვას ესწრებოდნენ მთისპირის თემში

მერის რწმუნებული ვლადიმერ ჩაველიძე, არასამთავრობო ორგანიზაციების, მედიის და ბიზნესის წარმომადგენლები, ასევე მთისპირის თემის სოფლებში (მთისპირი, ოქროსქედი, ვანისქედი, უკანავა) მცხოვრები მოსახლეობა. საჯარო განხილვას ასევე ესწრებოდნენ საგანმანათლებლო სექტორის წარმომადგენლებიც.

„მიგვაჩნია, რომ მდინარის კალაპოტში არსებული ჰიდროელექტროსადგურები ერთიანი მიდგომებითა და მაღალი სტანდარტებით უნდა იმართოს. ჩვენი ხედვა და ასევე, უნდა აღვნიშნო, მოსახლეობის თხოვნაც, ბახვი 2-ის პროექტზე ჩვენს კომპანიას აუშენებინა, ვახდა მამოტვირთვით ფაქტორი პროექტით დაინტერესების დროს. ჩვენმა სპეციალისტებმა უცხოელ ექსპერტებთან ერთად პროექტი დახვეწეს – გაუმჯობესდა ტექნიკური პარამეტრები, მნიშვნელოვნად შემცირდა შეფუბების ფართობი. უცხოელი ექსპერტების მიერ ჩატარებული კვლევების საფუძველზე შემოთავაზებული შემარბილებელი ღონისძიებები მნიშვნელოვნად შეუწყობს ხელს ზემოქმედების მინიმუმამდე დაყვანს. პროექტში განხორ-

ცილებული ცვლილებების შედეგად მოგვიწია ნებართვების ახალ წრეზე წასვლა. სწორედ, ეს განახლებული პროექტი გამოვიტანეთ სკოპინგზე დღეს. ადგილობრივი მოსახლეობისთვის და გარემოსდაცვლებისთვის მნიშვნელოვანი ფაქტორია გარემოსდაცვითი და სოციალური ასპექტების სწორად მართვა. ჩვენ გვსურს კიდევ ერთხელ გავუსვათ ხაზი იმ ფაქტორს, რომ ვაშენებთ და ოპერირებას ვუწევთ პროექტებს როგორც ქართული კანონმდებლობის, ასევე საერთაშორისოდ აღიარებული სტანდარტების მიხედვით“ – განაცხადა შპს ბახვი 2-ის დირექტორმა, მიხეილ ნიბლაძემ.

განხილვა კითხვა-პასუხის რეჟიმში წარიმართა. დამსწრე საზოგადოების მხრიდან აღინიშნა, რომ კომპანიამ დიდი შრომა გასწია მიმდებარე სოფლების მოსახლეობასთან მუშაობისა და ინფორმაციის მიწოდების კუთხით.

„გარემოსდაცვითი შეფასების კოდექსის“ თანახმად, სკოპინგის წარმატებულად გავლის შემდეგ, ხდება გზშ-ს ეტაპზე გადასვლა.

ბახვი 2 ჰიდროელექტროსადგურის მშენებლობისა და ექსპლუატაციის პირობების ცვლილების სპეციფიკაციის ანგარიშში სსიპ გარემოს ეროვნული სააგენტოს ჩაბარდა 2022 წლის 2 ივნისს და ოფიციალური გვერდზე გასაჯაროვდა 2022 წლის 6 ივნისს.

გთხოვთ, გარემოს ეროვნული სააგენტოს მიერ გამოქვეყნებული განცხადება იხილოთ შემდეგ ბმულზე: <https://nea.gov.ge/En/GZ/SH/194/>

დავინანსებელი ფართი

მთისპირის საჯარო სკოლის ტრენინგ კურსის დასრულების დღისძიება გაიმართა

2022 წლის 23 ივნისს, ოზურგეთის მუნიციპალიტეტის სოფელ მთისპირის საჯარო სკოლის უფროსკლასელებს (9,10,11,12 კლასები), „ბახვი 1 ჰიდროელექტროსადგურის“ მერ გამოცხადებული სოციალური პროგრამის საგანმანათლებლო პროექტების ფარგლებში, არაფორმალური სახის სასწავლო ტრენინგ კურსის დასრულების დღისძიება მთისპირის ადმინისტრაციულ შენობაში ჩატარდა. ღონისძიებას მონაწილე სტუმრის რანგში მწერალი დავით ტურაშვილი დაესწრო. მთისპირელმა უფროსკლასელებმა დავით ტურაშვილის ლექცია მოისმინეს. შეხვედრა კითხვა პასუხის რეჟიმში წარიმართა. ლექციის ბოლოს, მოსწავლეებს დავით ტურაშვილის წიგნები გადაცა, რომელსაც ავტორები თავად ავტორმა გაუკეთა.

ლექციის შემდეგ იმ უფროსკლასელებს, რომლებმაც ტრენინგის სრული კურსი გააარეს სერტიფიკატები სახელმძღვანელო ვითარებაში გადაეცა.

ტრენინგი მიზნად ისახავდა მთისპირის საჯარო სკოლის უფროსკლასელებში ცნობიერების ამაღლებას გარემოს დაცვით საკითხებში, ასევე, ცოდნის გაზიარებას განახლებადი ენერჯის კონცეფციის შესახებ და მათთვის ინფორმაციის მიწოდებას პროფესიული ორიენტაციის საკითხების ირგვლივ.

გარემოს დაცვით საფუძვლებსა და განახლებადი ენერჯის მოდულს უძღვებოდა ვიორგი ბერეჟიკიძე, საქართველოს გარემოს დაცვისა და სოფლის მეურნეობის სამინისტროს, სსიპ ეროვნული სააგენტოს ტყის მოვლა-აღდგენის დეპარტამენტის ტყის დაცვის სამმართველოს უფროსი; პროფესიული ორიენტაციის შესახებ ასაღვარდეს ესაუბრა ქეთევან ლობჯინიძე, ფსიქოლოგი, „ინსაით“ ვკუფის დამფუძნებელი და HR მენეჯერი; კომუნიკაციების შესახებ შეხვედრა ჩატარა სათუნა იოსავამ, საზოგადოებასთან



ურთიერთობის ექსპერტმა, კავკასიის უნივერსიტეტის მოწვეულმა ლექტორმა 2015 წლიდან.

საგაზაფხულო სემესტრის დროს, მთისპირის საჯარო სკოლას საქართველოს განახლებადი ენერჯის განვითარების ასოციაციის (GREDA) და „საქართველოს ენერჯეტიკული ბიზნის“ ასოციაციის სპეციალისტები სტუმრობდნენ. GRE-DA-ს წარმომადგენლებმა საქართველოში განახლებადი ენერჯის განვითარებასთან დაკავშირებით მომზადებული მასალები გააცნეს ახალგაზრდებს. ინიციატივა მიზნად ისახავს, ენერჯეტიკის დარგის პოპულარიზაციას, სადაც ასაღვარდეს ადამიანს შეუძლია იპოვოს საკუთარი თავი, განვითარდეს პროფესიულად და ჰქონდეს წარმატებული კარიერა.

„შედეგებიდან და ასაღვარდეს მთელი შეფასებებიდან გამოდინარე, უკვე შემიძლია ვთქვა, რომ კურსი ფრიად ნაყოფიერი და ეფექტური იყო. საგაზაფხულო სემესტრის განმავლობაში მთისპირელმა უფროსკლასელებმა ბევრი რამ შეიტყვეს გარემოს დაცვაზე, ენერჯეტიკაზე, განახლებადი ენერჯისა და ამ მიმართულებით არსებულ პროფესიებზე. რაც უფრო მეტი ინფორმაცია ეწევათ ახალგაზრდებს პროფესიების შესახებ, რომლებიც არსებობს ჩვენს გარემოში, მით უფრო გაუმარტვლებათ სწორი არჩევანის გაკეთება. ჩვენი მიზანი იყო, მაქსიმალურად საჭირო და მნიშვნელოვანი

ინფორმაცია გაეცხადებინათ მათთვის. დღეს სტუმრად მოვიწვიეთ ყველასათვის საყვარელი, თანამედროვე ქართული მწერალი დავით ტურაშვილი. საინტერესო ლექცია გვქონდა, სადაც ბევრი ვისაუბრეთ სამშობლოს სიყვარულზე, ქვეყნის განვითარებაზე, მოქალაქეობრივ პასუხისმგებლობაზე. დღეს ოცდასამ ახალგაზრდას გადავეცით სერტიფიკატები. ვფიქრობ, პროექტი შედეგად და მდლობა ინტერესისთვის მთისპირის საჯარო სკოლის მოსწავლეებს და მზარდაცვლისთვის სკოლის დირექტორს, ქალბატონ ნანა ჭვიშვილს და სრულიად ჰედაგოგოურ კოლეგებს“ – განაცხადა ბახვი ჰესის გარემოს დაცვისა და სოციალური პროექტების მენეჯერმა, დავით მიქელაძემ.

სასწავლო კურსი არაფორმალური განათლების ნაწილია და მოიცავდა 6 ტრენინგს, ხოლო სასწავლო წლის ბოლოს ექსპერტის მიხედვით ჰიდროელექტროსადგურზე, სადაც მოსწავლეებმა დათვლილენ ენერჯის ობიექტი, კერძოდ, „კონტრინა ჰესი“ და გაეცნენ მისი მუშაობის თავისებურებებს. ექსპერტის ფარგლებში მოსწავლეებმა ცინიხში მდებარე პეტრას ციხეც მოინახულეს. ექსპერტის ამსახველი სამასსონი ფოტოები მათ დღეს კომპანიის თანამშრომლებმა სერტიფიკატებთან ერთად გადასცეს.

დავინანსებელი ფართი

პირთი ფოტოს ისტორია



სხედან მარცხნიდან მარჯვნივ: მამია კვიციანი, შოთა გოლიაძე, ანა სიხარულიძე, ლუსია ტრელიცკაია, ერმილე თავამოშვილი, სიმონ ფორცხალიაშვილი, მეტი ბზიავა, ვახტანგ ჯაყელი, დიმიტრი პატარავა, ვივი გაგუა, სილვესტრე მგალობლიძე, ვარლამ ჯაში, უნა ურუშაძე, ქსენია თალაკვაძე.


საქართველო ყოველთვის ამაყობდა და იამაყებს მისი ისტორიული წარსულით. ამის ნათელ დადასტურებას თუნდაც ეს ფოტო წარმოადგენს. გასული საუკუნის მეორე ნახევარში ჩაისა და სუბტროპიკული კულტურების საკავშირო სამეცნიერო კვლევითი ინსტიტუტის მიერ გაწეული თეორიული და პრაქტიკული საქმიანობა მთლიანად მიეძღვნა ქვეყანაში სუბტროპიკული მემცენარეობის (მეჩაიობა, მეციტრუსეობა და სხვა) არსებულ წარმოებას, რითაც საქართველო მსოფლიო ჩაის მწარმოებელ ქვეყნებს შორის მეხუთე მეექვსე ადგილს იკავებდა, ინსტიტუტში მისი დაარსების (1930 წ.) დღიდან მრავალი სახელგანთქმული მეცნიერი და ახალგაზრდა სპეციალისტია გამოტანილი. სამწუხაროდ დღეისათვის მათი უმრავლესობა ცოცხალი არაა, თუმცა მათი მეცნიერული

შრომები არსებობს განაგრძობენ.

ნუ დავივიწყებთ წარსულს, პატივი მივაგოთ მათ სულს. დღევანდელმა თაობამ ყველაფერი უნდა გააკეთოს ანასულის, ამ ისტორიული ადგილმდებარეობის შენარჩუნებისთვის. საქართველო დღეს განსაცდელის წინაშეა და ამ უნიკალურ ადგილას ფუნქციონირებადი სამეცნიერო კვლევითი ცენტრების ხელშეწყობა ქვეყნის ხელისუფლების და ადგილობრივი მუნიციპალიტეტის ყოველდღიური ზრუნვის საგანი უნდა გახდეს.

ზაურ ბაბარიძე.
სმმ. მეცნიერებათა დოქტორი, პროფესორი

ეპატერინე გურიელის მარტვილობა



ეპატერინე გურიელის მარტვიობა

ბებუთოვმა ამ საიში პირველ ადგილზე რუსთა ერთგული ვახტანგ ერისთავი შეიყვანა. მთავარმართებელს აუწყა დედოფლის მტრული განწყობილება მთავრობისადმი.

გენერალმა ერმოლოვმა 1827 წლის 10 იანვარს საგანგებო ბრძანებით აცნობა გურიას, რომ მემკვიდრის სრულწლოვანებამდე გურიის მართვა-გამგეობა „საბჭოს“ ხელში გადაიოდა, რომელიც არსდებოდა სოფიო გურიელის თავმჯდომარეობით და შედგებოდა ექვსი წევრისგან. ამ საიში მას ვახტანგ ერისთავი, როგორც უკვე აღვნიშნეთ, პირველ ადგილზე ჰყავდა მოხსენიებული. ერმოლოვის ინსტრუქციით, გურულებს ევალებოდათ განსაზღვრული საქმეების გამო „საბჭოსთვის“ მიემართათ, ხოლო თუ ვინმე „საბჭოს“ განაჩენით უკმაყოფილო იქნებოდა, მას უფლება ეძლეოდა, საქმე იმერეთის სასამართლოში გადაეტანა. თანდართული ინსტრუქციები კი მიზნად ისახავდა, გურიის სამთავროს და მისი ავტონომია მხოლოდ გარეგნულად დაეტოვებინათ, ხალხის თვალის ასახვევად, სინამდვილეში კი მისი ყველა უფლება რუსეთის მმართველობისთვის უნდა დაემორჩილებინათ. ყოველივე ამაში გურიის მოსახლეობა, მისი წარჩინებულები გურიის დედოფლის დამცირებას და მისი ღირსების შელახვას ხელდასწარი იყვნენ. ამიტომ, მათ 1827 წლის 3 თებერვალს მიმართეს მთავარმართებელ ერმოლოვს: „თქვენი აღმატებულების ახალი „წესდება“ - გურიის სამთავროს სახლის შესახებ, მიმართული „საბჭოსადმი“, გამოგვიცხადა ჩვენს მთავრინასაგან, რის გამოც უკვე შევრდომულესად შეძგეს მოგასხენებთ: მთელი გურიის მოსახლეობა ამ ახალ დაწესებაში ხელდასწარ დედოფლის დამცირებას, წინააღმდეგ მისი ღირსებისა იმ უბედურების შემდეგ, რაც შეგვემოხვება, ჩვენ მას ვუწოდებთ ჩვენს მფლობელს და ბატონს, ნაცვლად განსვენებული მთავრის მამია გურიელისა, ვიდრე მემკვიდრე დავითის სრულწლოვანებამდე. ამის გამო, გთხოვთ, გადასცეთ ჩვენს მთავრინას ყველა ის საქმეები, რომელიც გურიის სამთავროს შეეხება, რომელიც წინათ განსვენებულ მამიას ხელში ყოფილა, რომ დედოფალს შეეძლოს მართოს და განავოს ჩვენი ქვეყნის საქმენი...“

იმავე დღეს დედოფალი სოფიო მიმართავდა გენერალ ერმოლოვს საგანგებო წერილით, რომ „დაწესება ამგვარ „საბჭოს“ ჩვენ მიგაჩინა დამამცირებლად. მე შემძლიან ვმართო ეს ქვეყანა და მაქვს ამის უფლება თანახმად ხელმწიფის დამტკიცებული ტრაქტატისა“ (8 აპრილი, 1811 წელი). გენერალმა ერმოლოვმა დაინახა, რომ დედოფლის ავტორიტეტი ძლიერია, მთელი გურია მის უკან დგას და არავინ ფიქრობს მთავარ-

მართებლის ბრძანების შესრულებაზე, რომ დედოფალმა სამი თვის განმავლობაში ყველა საქმე გააჩერა და გურიას ძველი წესისამებრ ის და მისი მრჩეველი განაგებენ. ერმოლოვი დედოფალს წერდა, რომ იგი დიდად გაოცებულია სოფიოს უცნაური საქციელით, პეტიციებით გურიის ხალხისაგან... „ნუ მაიძულებთ ეს თხოვნა ძლიერი მოთხოვნით შეეცვალოთ“. მაგრამ ერმოლოვი ისე მოსცილდა კავკასიის მმართველობას, რომ პატარა გურიის „ურჩობა“ და დამოუკიდებლობისაკენ სწრაფვა ვერ გატეხა. გენერალი ერმოლოვი პასკევიჩმა შეცვალა. ახლა რუსეთი, ქართველების დახმარებით, ცდილობდა დედოფალზე გავლენა მოეხდინა და იმერეთიდან შუაკაცებად დედოფლის ახლო ნათესავები ქაიხოსრო წერეთელი და სეხნია წულუკიძე გაგზავნა, მაგრამ არც ამან იმოქმედა დედოფალზე. კანცლერი დავით მაჭუტაძე ძველებურად სიმტკიცისა და გურიის ციხეების გამაგრებას ურჩევდა დედოფალს. შემდეგ გენერალმა პასკევიჩმა და გენერალმა სიპაიენმა დედოფალს გაოცდელი მოხელე ფალავანდიშვილი მიუგზავნეს, რომელიც შეეცადა დავით მაჭუტაძის, გიორგი ნაკაშიძისა და სხვათა დაყოფილებას, ფიქრობდა, ეს საჭირო იყო დედოფლის დათანხმებამდე. თითქოსდა, ფალავანდიშვილმა შეძლო დედოფლის დაყოფილება, იგი თანახმა იყო, რომ ვახტანგ ერისთავი მიეღო „საბჭოს“ წევრად, ოღონდ სოფიომ მოითხოვა ზოგიერთი უფლების აღიარება:

1. რათა ხალხში მისი ღირსება დაცული იყოს, მას უნდა ეწოდოს არა „საბჭოს“ თავმჯდომარე, არამედ დედოფალი ან მთავრინა, ისე, როგორც სამეგრელოს დედოფალს.
2. დედოფალი რომ განირჩიოდეს „საბჭოს“ ყველა წევრისაგან, საჭიროა მთავრობის ქაღალდები მიმართულ იქნან დედოფლის სახელზე.
3. დედოფალი თანახმაა, „საბჭოს“ წევრად მიიღოს ვახტანგ ერისთავი, მაგრამ არავითარ შემთხვევაში გიორგი ერისთავი, რომელიც მთავრის ოჯახის მტერი იყო;
4. თუ მთავრინამ და „საბჭომ“ შეამჩნიოს წევრის შეუსაბამო საქციელი, უფლება უნდა ექნათ მისი „საბჭოდან“ გარიცხვისა.
5. საბჭოს განაჩენით უკმაყოფილოს არ უნდა ჰქონდეს უფლება საქმის გადატანისა იმერეთის დროებით მმართველობაში, რადგან ეს ეწინააღმდეგება უმაღლესად წოდებულ ტრაქტატს. ამ განცხადებათა შემდეგ ფალავანდიშვილი უკმაყოფილო წამოვიდა გურიიდან, მაგრამ მან გაიგო და ნახა ის ადგილი, სადაც გურიის მთავარი და ხალხი თურქებსა და მტრებს ემალებოდნენ. ეს იყო ასკანის ციხე, რომელსაც მაჭუტაძის ხალხი დღენიდაგ ამარებდა კიდეც. გენერალი პასკევიჩი მოითხოვდა ინსტრუქციით „საბჭოს“ მუშაობის წარმართვას. თუ დედოფალს არ სურს, უკიდურეს ზომებს მივმართო. გურიის „საბჭოს“ ირგვლივ ატეხილი ღვა ან იყო გადაწყვეტილი, რომ 1828 წელს კავკასიაში რუსეთ-ოსმალეთის ომი დაიწყო. ამ ომში გურიის დედოფალს ოსმალეთის გამარჯვების იმედი ჰქონდა. სოფიო აჭიანურებდა „საბჭოს“ შესახებ მოლაპარაკებას. მას სურდა, მისი ერთგულნი ყოფილიყვნენ გურიის სამთავროს „საბჭოში“. 1828 წლის მაისის დამდეგს პასკევიჩი გენერალ დიბიჩს აცნობებდა, რომ იმერეთის ახალი მმართველის გესეს ინფორმაციით, დედოფალი სოფიო შემჩნეულია რუსეთისადმი აშკარა მტრულ განწყობილებაში, დედოფალი სასახლეში

იღებს ოსმალთა ბეგებს და მათთან საიდუმლო მოლაპარაკებებს აწარმოებს. ამას აღასტურებს სოფიო გურიელისა და დავით ბატონიშვილის ხელმოწერებით გაგზავნილი წერილები ოსმალეთის ხელისუფლებასადმი, მათ მფარველობაში მიღებისა და დახმარების თხოვნით. ოსმალური ორიენტაცია რომ კარგს არაფერს მოუტანდა, ეს სოფიომ კარგად იცოდა, მაგრამ იგი სამთავროს გადარჩენაზე ფიქრობდა და ოსმალეთი ამ საქმეში დიდად ეიმედებოდა. ტრაპიზონის მმართველ ბეგი პასან ფაშასადმი გაგზავნილი წერილში „სრულიად გურიისა და სხვათა დედოფალი სოფიო“ ითხოვს სულთნისგან თანხმობას, გურიის სამთავროს ოსმალეთის მფარველობაში მისაღებად. „ახლა თუმცა ღვთის მოწყალებით არაფერი გვიჭირს და ჩემი ქვეყანა უნებლად ხელში მაქვს, მაგრამ კიდევაც ეს არის, ჩემი ოჯახი და ჩემი ქვეყანა მათ საფარველს ქვეშ მიმიტანია და აწუხებენ იცით და თქვენმა დიდმა ხარისხოვნებამ, რასაც საფარველს და შემწეობას მოგვცემთ. დღის იქით ყოლისფერზე თქვენი მოიმედვ ვართ... მოგესხენებათ, ჩვენი ოჯახი რა ხარისხის მქონე არის და ამ საქმეს უფრო ამისთვის ვშრომობთ, რომ უფროსობამ, ხილიჯ-კაფთალი და ძველად რაც არ გვიქონებია, იმის ფერვანი გვებოძოს“, - წერდა ფაშას დედოფალი. მფარველობაში მიღებამდე კი ვინცობაა რაიმე დასჭირდებოდა, ითხოვდა შემწეობას ყველა საქმეში... ახალციხის მფლობელ ახმედ ფაშასთან კი იგი ითხოვს ოსმალეთისგან საჩქაროდ დახმარებას. „გთხოვ, რომ სანამდე ჩვენს საქმეს მათ დიდებულებას, ცათა სწორ ხელმწიფეს აცნობებდეთ, იქნებ მაქამდის ჯარი, თეთრი თუ ტყვია-წამალი დაგვიჭირდეს და გთხოვთ უმდაბლესად, რომ გვებოძოს, ჩვენ ამისთვის მივეწოდებთ თქვენს მაღალხარისხოვნებას, რომ საჩქაროდ შემწეობას მოგვცემთ და ხელმწიფესთანაც ისე წარგვადგენთ. სხვას ჩვენს სიტყვას ახმედ ბეგი მოგასხენებთ“ (ახმედ ბეგი აჭარის მმართველ სელიმ ხიმშიაშვილის შვილი იყო). ანალოგიური წერილი გაუგზავნა დედოფალმა არზრუმის სერასკირსაც. სოფიო გურიელი მას სულთანთან შუამდგომლობას სთხოვდა. სოფიოს მცდელობამ შედეგი გამოიღო. ოსმალეთის სულთანმა, რომელიც თავადაც დიდი ხანია ეძიებდა გურიის სამთავროსთან ასეთი ურთიერთობის დამყარებას, რუსეთთან ომის დაწყების შემდეგ დედოფლისა და ტახტის მემკვიდრე ბატონიშვილის თხოვნა დიდსულოვნად „შეიწყანა“ და მათ დახმარება და მფარველობა აღუთქვა. იენისის დასაწყისში სოფიომ ტრაპიზონის ფაშასგან გურიის სამთავროს ოსმალეთის მფარველობაში მიღებისა და დავით გურიელის მთავრად დამტკიცების დამადასტურებელი სულთნის საგანგებო ფირმანი მიიღო. მოგვიანებით დავითის წარმოუგზავნეს ხმალი და დედოფალს - ქურქი და სხვა საჩუქრები“ (ირაკლი ბარამიძე). დავით გურიელისათვის უმაღლესი ფირმანის ბოძებით დიდად გაიხარეს გურიის თავადებმა და გურიელის სახლიშვილებმა. მაგრამ ოსმალეთის ხელისუფლებამ, რომელმაც იცოდა გურიის მოსახლეობის დიდი ნაწილის ანტიოსმალური განწყობილება, დიდი სიფრთხილით ეკიდებოდა სოფიო გურიელთან პირდაპირ თანამშრომლობას. სულთანი დედოფლისგან, მფარველობის სანაცვლოდ და ერთგულების დამტკიცების ნიშნად, გურიიდან რუსების განდევნას ითხოვდა, პარალელურად კი, გურიის საზღვარზე ათათასიან ჯარს უყრიდა თავს. ოსმალეთს სურდა, რუსების რეგონიდან განდევნის

საქმეში გურიის მოსახლეობის დახმარება. ამას ითვალისწინებდა გურიის დედოფალი და ცდილობდა, პორტასთვის სხვა ინტერესიც გაეღვივებინა: „რუსის განდევნა არაფერია, მაგას საკუთარი ძალებითაც მოვახერხებთ. ჩვენ სხვა ტერიტორიების დაპყრობაზე უნდა ვიფიქროთ და მსოფლიოს დავანახოთ, რომ გურია ოსმალეთისაა“, - ემბაკურად პასუხობდა დედოფალი. სოფიო გურიელი ითხოვდა თოფ-იარაღით, ტყვია-წამლით და ფულით შეწყვენას. ამ დახმარების სწრაფად მიღების მიზნით, მოურავ ქაიხოსრო თყაიშვილს და დათა ბატონიშვილსაც აგზავნიდა ახმედ ბეგთან, მაგრამ დედოფლის იმედების გაცრუება მალე დაიწყო. ახმედ ბეგმა სოფიოსაგან ასკანისა და ლიხაურის ციხეების მიცემა მოთხოვა. დედოფალმა უპასუხა, მე არავისთვის მითქვამს ამ ციხეების გაცემა, ამ ორი ციხის გაცემა არ შემძლია. ერთში სრულებით ჩემი საცხოვრებელი რაც არის, იქ მიწყვილა და მეორეში ჩემი ბავშვები მყავს. დედოფალი, ამ ორი ციხის სანაცვლოდ, პირდებოდა ნავომარს, ოზურგეთსა და ბაილეთს „ოზურგეთი პირველი ჩემი სასახლე და ციხე არის, ნავომარი შუა გურიას დგანა და ბაილეთი - სანაპიროზე. და ვისაც ეს სამი ციხე აქვს, გურიაც მისი არის“. სოფიო გურიელი უფრო შორს მიდის და შეილის მძველად მიცემასაც ჰპირდება და კვლავ გამოთქვამს სულთნის ერთგულების სამსახურში მზადყოფნას (ირაკლი ბარამიძე). პასკევიჩმა ახლა სოფიოსთან დედოფლის ნათესავი ქაიხოსრო წერეთელი გაგზავნა და მას შეუთვალა, გაეწყვიტა ოსმალთა აგენტებთან კავშირი, წინააღმდეგ შემთხვევაში მის მმართველობას დიდი უბედურება დაატყდებოდა. რამდენიმე დღის შემდეგ პასკევიჩმა ეს გაფრთხილება დედოფალს თავადაც აცნობა, რომ რუსეთის ქვეითი ჯარი და კავალერია ოსმალთა წინააღმდეგ საბრძოლველად დაიძრა და დაეუქრა სტამბოლს. „ახლა დედოფალს თავად შეუძლია გამოიტანოს დასკვნა, თუ რა დღე მიიღოს ოსმალეთის და ყველას, ვინც მას მიენდობა. ახლა თქვენ გეძლევათ შესაძლებლობა გაიმართლოთ თავი... თქვენი მოქმედება ამ ომში ყველაფერს გადაწყვეტს. ახლავე აუკრძალეთ თქვენს ქვეშევრდომთ ოსმალეთთან რაიმე კავშირი. მოვალე ხართ, თქვენ დაემორჩილოთ გენერალ გესეს თითოეულ განკარგულებას, წინააღმდეგ შემთხვევაში თქვენი ერთგულება რუსეთისადმი არ დამტკიცდება და თქვენ იქნებით პასუხისმგებელი შედეგებისთვის“. რუსეთ-ოსმალეთის ომი გაცხოველდა, დედოფალ სოფიოს იმედი ჰქონდა, რომ ამ ომს ოსმალეთი მოიგებდნენ. ახლა საქმე „საბჭოს“ კი არ შეეხებოდა, არამედ გურიის სრული დამოუკიდებლობის აღდგენასა და იმერეთში შეჭრასაც. ქობულეთსა და აჭარაში ბეგები ქართული მოდგმისა იყვნენ, მათთვის უფრო სასურველი იყო იმერეთის სამეფოს აღდგენა, ვიდრე იქ რუსთა დამკვიდრება.

გურიის სამთავროს ცნობას და „ტრაქტატს“ არ აუქმებო, ამ პროკლამაციით დედოფალი სოფიო, თუმცა გამოცხადებულია მოლაპატედ, რომელსაც შესაფერისი სასჯელი მოეღოს, მაგრამ გურიას რჩება მემკვიდრე დავითი, რომელსაც დედის სამხელ ღალატში არავითარი წილი არ უდევს და ამ ახალი მთავრის უმაღლესი მფარველის - რუსეთის ერთგულება გურულებმა სწორედ ახლა უნდა დაანახონ ქვეყანასო... „თქვენი დედოფალი სოფიო გაბრძანებულია თურქეთის ფაშათა კომიკვებით, შევიდა მათთან კავშირში, მიიღო მათგან საჩუქრები როგორც მისთვის, ისე თავისი მცირეწლოვანი შვილისთვის. ამით მან უღალატა ფიცს და დაიფიქრა რუსეთზე მიცემული სიტყვა, დამორჩილდა თურქეთს, მთელმა ქვეყანამ იცოდა იმპერატორის ძლიერება. მისი მოუფიქრებელი მოქმედება ვერ დაემალება დამსახურებულ სასჯელს“.

იგივე პროკლამაცია მოუწოდებდა გურულებს ერთგულებისაკენ, რომ რუსეთის მთავრობას სჯერა გურულთა მოქმედება ამ ომის დროს იმდენად სასარგებლო იქნება, რამდენადაც სამარცხვინო და დამღუპველი დედოფალი სოფიოსთვის. დედოფალი მთელ გურიას უყვარდა. ყველა თავყვანს სცემდა მის სიმტკიცეს და მხნეობას, მის ბრძოლას გურიის სამთავროს უფლებამოსილებისთვის, მაგრამ როცა საკითხი დადგა - რუსეთთან თუ ოსმალეთთან, აქ გურიის ერთი ნაწილი დედოფლის პოლიტიკას განუვლიდა, მაგრამ არც რუსეთს მიემხრო. მათთვის ოსმალეთი მიუღებელი იყო, მათ თათრის არაფერი სწამდათ, კარგად ახსოვდათ მათგან უღელისა და რბევის ამბავი. ახსოვდათ, როგორ დაეუფლა ოსმალთა აჭარას და გურიის უძველეს ნაწილს ქობულეთს, სადაც ძალადობით ისლამი და „გათათრება“ შეიტანა. შესაძლოა, გურულების ერთი ნაწილის განდგომამ ჩააფიქრა დედოფალი, მან, ძველი ერთობის აღდგენის მიზნით, სცადა რუსეთთან მოლაპარაკება. როგორც ამბობენ, სოფიოს სურდა დროის მოგება და მოლაპარაკების გაკვიანება. დედოფალს, არქივისკოპოს სოფრომის საშუალებით, უცდია მოლაპარაკება. გენერალი პასკევიჩი კი ფიქრობდა, ახლა რუსეთი როგორც ევროპის, ისე აზიის ფრონტებზე ომს იგებს, მას არავითარი დათმობა არ სურდა დედოფალთან. იგი მოითხოვდა ყოველგვარ პირობათა გარეშე გურიის დედოფალი რუსეთს დამორჩილებოდა. მთავარმართებელი სამინისტროს აუწყებდა, რომ ყოველ დარღვევებულ დედოფლის წინააღმდეგ, მან აშკარა ღალატი ჩაიდინა და არათუ მიენდო ოსმალებს, არამედ ამანათად თავისი ასული კოჭობროლაც კი მისცა. ეს არ შეესაბამებოდა სინამდვილეს, რადგან კოჭობროლა გურიაში იმყოფებოდა, რაც დადასტურებულია სხვადასხვა საბუთით.

ახლა პასკევიჩი უფრო მკაცრი იყო, იგი „საბჭოსაგან“ დედოფლის ჩამოშორებას ითხოვდა.

გენერალ პასკევიჩს გურიის სამთავროსთვის ასეთი გეგმა ჰქონდა:


1. თუ მთავრინა ყოველგვარ პირობათა გარეშე რუსეთის მორჩილებაში მოექცეოდა, მაშინ უნდა დაარსებულიყო „საბჭო“, რომლის თავმჯდომარე იქნებოდა რუსეთის მოხელე, დედოფალი ყოველგვარი საქმიანობიდან უნდა ჩამოეშორებინათ.

(გაზრდილი იქნება)

განანა ლომაძე

ქართული სოციალ-დემოკრატია რევოლუციის დამარცხების შემდეგ (1906-1907 წწ.)

ილია ჭავჭავაძის მოღვაწეობა საქართველოს პროვინულ-დემოკრატიული პარტიის შესაქმნელად



1906 წლის ზაფხულშივე რსდმპ თბილისის ორგანიზაციის წესდების პროექტი ზოგიერთი ცვლილებით დაამტკიცეს.

რსდმპ IV (გამართიანებელი) ყრილობის შემდეგ ხდება თბილისის სოციალ-დემოკრატიული ორგანიზაციის სტრუქტურული დახვეწა, დაიწყო ახალი რაიონული ორგანიზაციების შექმნა. 1906 წლის სექტემბრისათვის რსდმპ თბილისის ორგანიზაციის სტრუქტურა ასე გამოიყურებოდა: რსდმპ 25 შეგნებული წევრი ქმნიდა უჯრედს, რომელიც ირჩევდა ერთ წარმომადგენელს რაიონულ კომიტეტში. თბილისში არსებობდა შვიდი რაიონული კომიტეტი: 1. დიდუბის, 2. ვაკეზლის (ნაძალადევი და ამიერკავკასიის რკინიგზის მთავარი სახელოსნოები), 3. ჩუღურეთის, 4. ცენტრალური, 5. ორთაგალის (მასში შედიოდა ხარფუზი), 6. ავლაბრის, 7. ვერის. რაიონული კომიტეტები ირჩევდნენ თითო წარმომადგენელს თბილისის სოციალ-დემოკრატიული ორგანიზაციის ხელმძღვანელ კოლექტივში, რომელიც შედგებოდა შვიდი წევრისაგან. ხელმძღვანელი კოლექტივი სათავეში ედგა მთელ პარტიულ მუშაობას ქალაქის მასშტაბით. ხელმძღვანელი კოლექტივის გვერდით არსებობდა თბილისის სოციალ-დემოკრატიული ორგანიზაციის აღმასრულებელი კომიტეტი. მისი წევრები ყველა უჯრედის წარმომადგენლები იყვნენ. აღმასრულებელი კომიტეტი თავისი რიგებიდან გამოყოფდა ტექნიკოსს, სამხედრო შტაბს და სარედაქციო კომისიას. ტექნიკოსი განაგებდა პარტიულ ლიტერატურას, სტამბას და ნაწილობრივ, შეიარაღების საქმეს. ფაქტობრივად, ტექნიკოსს ემორჩილებოდა სამხედრო შტაბი, რომელსაც ჰყავდა სამი კომისია: 1. სამხედრო კომისია, რომელიც განაგებდა საბრძოლო რაზმეულების შეიარაღებას, 2. დევნილთა კომისია, რომელიც განაგებდა პოლიტიკური მოტივით დევნილების დაცვის საქმეს, 3. ციხის კომისია, რომელიც დახმარებას უწევდა პოლიტიკურ პატიმრებს.

რსდმპ თბილისის კომიტეტს ჰყავდა

და ძლიერი საბრძოლო რაზმეულები, რომელთა შექმნა მიმდინარეობდა რეგულარული არმიის პრინციპით, ე. ი. იქმნებოდა ათეულები, ოცეულები, ასეულები და ა. შ.

დღეისათვის შემორჩენილი საარქივო და სხვა ხასიათის დოკუმენტური მასალა არ იძლევა იმის საშუალებას, ზუსტად დადგინდეს სხვა სოციალ-დემოკრატიული კომიტეტების (ბათუმის, გურიის, იმერეთ-სამეგრელოს) სტრუქტურა. უნდა ვივარაუდოთ, რომ მათი სტრუქტურა დაახლოებით იგივე იყო, რაც თბილისის ორგანიზაციისა.

რსდმპ IV (გამართიანებელი) ყრილობის შემდეგ მწვავე ფრაქციული უთანხმოების პირობებში დაიწყო მზადება რსდმპ ამიერკავკასიის სოციალ-დემოკრატიული ორგანიზაციის IV ყრილობისათვის, რომელიც 1906 წლის სექტემბერში გამართა. ყრილობამ მუშაობა დაიწყო თბილისში, შემდეგ სხდომები გადაიტანეს ბაქოში. მას ესწრებოდა 58 დელეგატი (43 გადამწვევები ხმით, 15 სათათბირო ხმით). დელეგატები არჩეული იყვნენ თბილისის, ბაქოს, ერევნის, ქუთაისის, ბათუმის, ჭიათურის, სოხუმის, ელისავეტპოლის, გურიის, ფოთის, სამტრედიის, რაჭის, ხაშურის, ბორჯომის, სიღნაღისა და ღუშეთის ორგანიზაციებიდან. ყრილობის უმრავლესობას მენშევიკები შეადგენდნენ. დღის წესრიგში იდგა შემდეგი საკითხები:

1. მუშათა ორგანიზაციების წარმომადგენელთა მოხსენებანი;
2. მიმდინარე მომენტის და ტაქტიკის საკითხები;
3. ამიერკავკასიის სოციალ-დემოკრატიული ორგანიზაციების რეორგანიზაცია;
4. პროფესიული კავშირები;
5. ეროვნული საკითხი;
6. გლეხთა მოძრაობის შესახებ;
7. დამოკიდებულება სხვადასხვა ოპოზიციურ და რევოლუციურ პარტიასთან;
8. ჯარისკაცთა შორისმუშაობა;
9. სამხედრო-ტექნიკური საქმე;
10. პარტიული ლიტერატურა;
11. სხვადასხვა.

ამიერკავკასიის სოციალ-დემოკრატიული ორგანიზაციების IV ყრილობამ ყველა ძირითად საკითხზე იგივე დადგენილება მიიღო, რაც რსდმპ IV (გამართიანებელმა) ყრილობამ. ბოლშევიკების მიერ ჩაფიქრებული რევანში არ შედგა.

საინტერესოა, რომ ყრილობაზე ქუთაისელმა დელეგატებმა (მენშევიკებმა) წამოაყენეს კულტურულ-ნაციონალური ავტონომიის მოთხოვნა, რამაც ბოლშევიკი დელეგატების დიდი წინააღმდეგობა გამოიწვია.

ამიერკავკასიის სოციალ-დემოკრატიული ორგანიზაციების IV ყრილობა დამთავრდა მენშევიკური და ბოლშევიკური ფრაქციების ფორმალური გაერთიანებით, აირჩიეს რუსეთის სოციალ-დემოკრატიული მუშათა პარტიის ამიერკავკასიის საოლქო კომიტეტი ცხრა წევრისა და ხუთი კანდიდატის შემადგენლობით. კომიტეტის წევრთა უმრავლესობას მენშევიკები შეადგენდნენ. საოლქო კომიტეტის არჩევით რსდმპ კავკასიის კავშირმა არსებობა შეწყვიტა.

რსდმპ კავკასიის კავშირის დაშლითა და რსდმპ ამიერკავკასიის საოლქო კომიტეტის შექმნით ბოლშევიკებმა დათმეს ყოველგვარი პოზიცია საქართველოში. არც ერთი კომიტეტი 1907 წლიდან 1917 წლის ჩათვლით საქართველოში ბოლშევიკთა ხელში აღარ გადასულა. 1907 წლიდან იოსებ სტალინი საქართველოში აღარ მოღვაწეობს, ფილიპე მანარაძეც ხანგრძლივი ვადით ტოვებდა ხოლმე ქვეყანას. ასე რომ, ქართველი ბოლშევიკები, ფაქტობრივად, ლიდერის გარეშე დარჩნენ. ამან და კიდევ სხვა მიზეზებმა განაპირობა ბოლშევიკების გავლენის მინიმუმამდე შემცირება საქართველოს მუშათა კლასში. მთელ სოციალ-დემოკრატიულ მუშაობას სათავეში ედგნენ ქართველი მენშევიკები: ნოე ფორდანი, სილიბისტრო ჯობლაძე, ნიკოლოზ (კარლო) ჩხეიძე, ნოე რამიშვილი, ისიდორე რამიშვილი, აკაკი ჩხენკელი, ვეგენი გვეჯკარი და სხვები.

ქართველ მენშევიკთა პოპულარობას საზოგადოების ფართო ფენებში განსაკუთრებით შეუწყობდა მათმა წარმატებამ სახელმწიფო სათათბიროს არჩევნებში და ხანგრძლივი დროის განმავლობაში სათათბიროებში მოღვაწეობამ. 1906 წლის მარტ-აპრილში ჩატარდა პირველი სახელმწიფო სათათბიროს არჩევნები. როგორც უკვე აღვნიშნეთ, სულ საქართველოდან სათათბიროში აირჩიეს 8 დეპუტატი. მათ შორის 5 სოციალ-დემოკრატი იყო. კერძოდ, სათათბიროს დეპუტატები გახდნენ: ნოე ფორდანი, ისიდორე რამიშვილი, სერგო ჯაფარიძე, ივანე გომარელი და სვიმონ წერეთელი. სახელმწიფო სათათბიროში სოციალ-დემოკრატიული ფრაქციის ლიდერად აირჩიეს ნოე ფორდანი. კიდევ უფრო მეტი წარმატებები მოჰყვა მეორე სახელმწიფო სათათბიროს არჩევნებს, რომელიც 1907 წლის იანვარ-თებერვალში ჩატარდა. საქართველოდან სათათბიროში 8 დეპუტატი აირჩიეს, რვავე დეპუტატი სოციალ-დემოკრატი იყო. ამჯერად დეპუტატები გახდნენ: ირაკლი წერეთელი, არჩილ ჯაფარიძე, ჭოლა ლომთათიძე, კონსტანტინე კანდელაკი, ნიკოლოზ

კაციაშვილი, გერასიმე მახარაძე, სვეტიცხოველი და არშაკ ზურაბოვი. სათათბიროში სოციალ-დემოკრატიული ფრაქციის ლიდერად აირჩიეს ირაკლი წერეთელი. მასთან ერთად ფრაქციის ლიდერის როლში გამოდიოდა არჩილ ჯაფარიძე. ქართველი სოციალ-დემოკრატიების მოღვაწეობა რუსეთის სახელმწიფო სათათბიროში, მათი ბრძოლა დემოკრატიისა და სოციალური თანასწორობისათვის, გაბედული გამოსვლები შავრახმელური ძალების წინააღმდეგ განუხრელად ზრდიდა ქართველი სოციალ-დემოკრატიების ავტორიტეტს მთელ იმპერიაში.

თბილისელმა ბოლშევიკებმა, იოსებ სტალინის ინიციატივით, 1907 წლის დამდეგს, მას შემდეგ, რაც პარტიულ ფორუმებზე ბრძოლა წააგეს, შექმნეს თავიანთი დამოუკიდებელი ცენტრი. ცენტრის შექმნა რსდმპ წესდებით არ რაიმე საგანგებო დადგენილებით არ იყო გათვალისწინებული. ამ ორგანოს კონსპირაციული მოსაზრებით უწოდეს „თბილისის ბოლშევიკების ლიტერატურული ბიურო“. ბიუროს შემადგენლობაში სხვადასხვა დროს მუშაობდნენ: იოსებ ჯუღაშვილი, მიხაკცხაკია, ფილიპე მანარაძე, სტეფანე შაუმიანი, პავლე ჯაფარიძე, ვიქტორ ნანეიშვილი, მიხეილ დავითაშვილი, სურენ სპანდარიანი, ზაქარია ჩოდრიშვილი და სხვ. „თბილისის ბოლშევიკების ლიტერატურული ბიურო“ ვერ გახდა პარტიული მუშაობის ცენტრი, პოპულარობა ვერ მოიპოვა მუშებში და იოსებ სტალინის თბილისიდან წასვლის შემდეგ პრაქტიკულად შეწყვიტა კიდევ არსებობა.

ქართველი სოციალ-დემოკრატები რსდმპ V ყრილობაზე

რსდმპ IV (გამართიანებელი) ყრილობაზე მარცხის შემდეგ ბოლშევიკები ვლადიმერ ლენინის მეთაურობით მოთხოვნდნენ პარტიის მორიგი, V ყრილობის მოწვევას. ყრილობის დელეგატების არჩევნებმა საქართველოში ნათლად აჩვენა ძალთა თანაფარდობა საქართველოს სოციალ-დემოკრატიას. არჩევნები ქართველი მენშევიკების სრული უპირატესობით წარიმართა.

რსდმპ V (ლონდონის) ყრილობა მიმდინარეობდა 1907 წლის 30 აპრილიდან 19 მაისამდე (13 მაისიდან - 1 ივნისამდე). ყრილობას ესწრებოდა 303 დელეგატი გადამწვევები ხმით და 39 სათათბირო ხმით პარტიის 150 ათასი წევრისაგან. გადამწვევები ხმით 177 დელეგატი რუსეთის სოციალ-დემოკრატიული მუშათა პარტიისაგან იყო (89 ბოლშევიკი და 88 მენშევიკი), 45 - პოლონეთისა და ლატვიის სოციალ-დემოკრატიის, 26 - ბუნდისაგან. ყრილობაზე წარმოდგენილი იყო რსდმპ 100, პოლონეთისა და ლატვიის სოციალ-დემოკრატიის - 8, ლატვიის სოციალ-დემოკრატიის - 7, ბუნდის - 30 ორგანიზაცია, სულ - 145 პარტიული ორგანიზაცია. საქართველოდან დელეგატები აირჩიეს თბილისის, გურიის, ქუთაისის, ბათუმის, სამეგრელოს, ფოთის, თელავის და ბორჩალოს ორგანიზაციებისაგან. სულ არჩეული იქნა 28 დელეგატი გადამწვევები ხმით და 10 სათათბირო ხმით. გადამწვევები ხმის

მქონე დელეგატებს შორის 26 მენშევიკი იყო, 2 - ბოლშევიკი, სათათბირო ხმის მქონე დელეგატთაგან - 7 მენშევიკი და 3 ბოლშევიკი. გადამწვევები ხმით თბილისის ორგანიზაციიდან ყრილობას ესწრებოდნენ მხოლოდ მენშევიკები: ვლასა მგელაძე (ტრია), ს. ბარსოკაძე (ტოკარევი), გრიგორიევი, პ. წულაია (დეპო), ნოე რამიშვილი (ბორცოვი), ა. ვარსკი (აღლოვი) გიორგი ერადე (ბრადინი), გიორგი პლენანოვი, ნოე ფორდანი (კოსტროვი), ა. ჭიბარძიანი (ჭრელი); გურიის ორგანიზაციიდან - მხოლოდ მენშევიკები: ვ. ჯიბუტი (ვარდნი), არსენ წითლიძე (შუბინი), რაფიელ ჩხლაძე (აღექსიძე), ალექსანდრე პოტრესოვი (სტაროვერი), ბიკენტი (ჭოლა) ლომთათიძე (პასანი), ს. პაიჭაძე (ერეკვი), პავლე აქსელროდი, ვ. კოსტომალი (ზაგორსკი), ნიკოლაევი; ქუთაისის ორგანიზაციიდან მხოლოდ მენშევიკები: თეოდორე კიკვიძე (ჭალარა), მ. ნინიძე (ლონ-იდე), გრიგოლ ლორთქიფანიძე (სპირიდონოვი) ბათუმის ორგანიზაციიდან - მენშევიკი ბ. ნიკოლაევი (გოლოსოვი); სამტრედიის ორგანიზაციიდან - მენშევიკი კ. ჩაჩავა (კოლხიდელი); ფოთის ორგანიზაციიდან - მენშევიკი გრიგოლ ურატაძე (ვანო); თელავის ორგანიზაციიდან: ბოლშევიკები სტეფანე შაუმიანი (სურენი) და ა. კახიანი (ბორჩალისკი). სათათბირო ხმით ყრილობას ესწრებოდნენ: თბილისის ორგანიზაციიდან - ბოლშევიკი იოსებ ჯუღაშვილი (ივანოვიჩი); ბორჩალოს ორგანიზაციიდან: ბოლშევიკი მიხაკცხაკია (ბარსოვი) და ალექსი პეშოვი (გორკი), მენშევიკები ლევ ბრინშტანი (ტროცკი) და ოსიპ პეტერბურგსკი; მეორე სახელმწიფო სათათბიროს სოციალ-დემოკრატიული ფრაქციიდან: ირაკლი წერეთელი, კონსტანტინე კანდელაკი, არჩილ ჯაფარიძე, სვეტიცხოველი, გერასიმე მახარაძე. გარდა ამისა, ყრილობის მუშაობაში მონაწილეობას იღებდნენ ქართველი დელეგატები გადამწვევები ხმით: ბაქოს ორგანიზაციიდან - მენშევიკი ისიდორე რამიშვილი (ბერიევი), მოსკოვის ორგანიზაციიდან - მენშევიკი ი. ხუნდაძე (ალექსი); ტაგანროვის ორგანიზაციიდან - მენშევიკი სოსხაძე (ლონოვი).

ყრილობის დღის წესრიგში იდგა შემდეგი საკითხები:

1. ცენტრალური კომიტეტის ანგარიში;
2. სახელმწიფო სათათბიროს ფრაქციის ანგარიში;
3. დამოკიდებულება ბურჟუაზიულ პარტიებთან;
4. სახელმწიფო სათათბირო;
5. მუშათა ყრილობა და უპარტიო მუშათა ორგანიზაციები;
6. პროფესიული კავშირები და რსდმპ;
7. პარტიული გამოსვლები;
8. მუშაობა;
9. ეკონომიური კრიზისები და ლოკაუტი;
10. მუშაობა არმიას;
11. ორგანიზაციული საკითხები;
12. სხვადასხვა.

(გაგრძელება იქნება)
ახსტანა გურული
 (საქართველოს ახალი ისტორია (1801-1918) წიგნი 3; გვ: 447-450)

გორაბერეშოულში გურული ღვინის ფესტივალი გაიმართა



20 ივნისს, გორაბერეშოულში ერისთავების სასახლის ეზოში და ღენდროლოგიურ პარკში გურიის ღვინის პირველი ფესტივალი გაიმართა, რომელშიც რეგიონის არაერთმა მარანმა მიიღო მონაწილეობა.

ფესტივალში მონაწილეობდნენ ისეთი ცნობილი მარანები, როგორცაა კომპანია „კახური ტრადიციული მეღვინეობა“ (ასკანის მარანი), შარაშიძეების მარანი, დავით კობიძის მარანი, მენაბდის მარანი, „გურული ღვინოები“ (ამირან დოლიძის მარანი) ზურაბ თოფურაძის მარანი, „ბუკისციხე 1811“, ტყემულიაძეების მარანი (გურამ და გიორგი ტყემულიაძეები), „ჯვარცხმა“ და ა.შ.

მრავალფეროვანი ღვინოები წარმოადგინეს ბესიკ მეფარიშვილმა („წიფლანური ჩხავერი,“), კახა კვიციანიშვილმა (ლანჩხუთი), ზაზა ანდლულაძემ, ნიკო გურგენიძემ (ბუკისციხე, 2020 წლის „სხილათუბანი“), სპირიდონ სიხარულიძემ, სოსო ხინთიბიძემ („ტაკიძურა, „კლარჯული“, ოზურგეთი), გურანდა აბუსერიძემ, ნათია ჩხიკავაძემ, დიმიტრი ბარამიძემ და სხვებმა.

განსაკუთრებული ყურადღების ქვეშ იყვნენ პროფესორი ლევან უჯმაჯურიძე (წარმოდგენილი იყო ჯილდო მურნეობაში დაწურული გურული ღვინოები) და გურული ვაზის პატრიარქი და უბადლო მევენახე (ეს შეფასება ლანჩხუთელ ჟურნალისტს კესო მახარაძეს ეკუთვნის) ანდრო ვაშალომიძე, რომელსაც რამდენიმე დასახელების ღვინო ჰქონდა

წარმოდგენილი.

ცალკე აღნიშვნის ღირსია ის ფაქტი, რომ ფესტივალის დღეს დაიბადა ვიტალი კილასონიას „ვიტოს ღვინო“ ჯვარცხმიდან.

ტურისტების ყურადღების ქვეშ მოექცა ჩონატაურელი ირაკლი ცინცაძის და ნინო კობიძის თხის ყველის მრავალნაირი სახეობა.

ფესტივალს არაერთი უცხოელი სტუმარი ჰყავდა, მათ შორის ამერიკელი (ლუიზიანა) ჯეიმს რიკარდი, რომელიც ქართველ მეუღლესთან, ანა უთურგაულთან ერთად დაესწრო ამ ფესტივალს და თავისი აღფრთოვანება გამოხატა გაზეთ „ალიონთან“.

ფესტივალს ესწრებოდნენ და დაზურვის ცერემონიაზე დამსწრეთ მიმართეს საქართველოს პარლამენტის თავმჯდომარის მოადგილე **არჩილ თალაკვაძემ**, პარლამენტის რეგიონალური პოლიტიკისა და თვითმმართველობის კომიტეტის თავმჯდომარე **სოზარ სუბარმა**, გურიის გუბერნატორმა **გიორგი ურუშაძემ**, ადგილობრივი თვითმმართველობების ხელმძღვანელებმა...

ფესტივალის გამარჯვებულად **ანდრო ერქომაიშვილი** (ოზურგეთი), **თეიმურაზ შარაშიძე** (ჩონატაური) და **კახა კვიციანიშვილი** (ლანჩხუთი) დასახელდა. მათ ფულადი ჯილდოები გადაეცათ.

ფესტივალის დასასრულს, ერისთავების ეზოში ჭურს ახადეს თავი. სტუმრებმა ოცნანური საფერე დააგემოვნეს.

უდრემესი მაღლობა გურიის ღვინის პირველი ფესტივალის ორგანიზატორებს, სპონსორებსა და მონაწილეებს!



7 დღის ამინდის პროგნოზი

ღრუბილი
+16 +23
27 ივნისი
ორშაბათი

ჭიმამქუსილი
+17 +25
28 ივნისი
სამშაბათი

წვიმა
+17 +23
29 ივნისი
ოთხშაბათი

წვიმა
+17 +23
30 ივნისი
ხუთშაბათი

წვიმა
+17 +24
1 ივლისი
პარასკევი

ღრუბილი
+17 +23
2 ივლისი
შაბათი

წვიმა
+17 +24
3 ივლისი
კვირა